



## 中學金獎

參賽學校：香港道教聯合會青松中學

參賽學生：

許焯堯 (4A)

韓亦倫 (5A)

范卓君 (5A)

陳思思 (5A)

蔡景儀 (5A)

參賽主題：人工智能

劇本名稱：〈媽咪味〉

參賽同學之姓名：許焯堯(4A)、韓亦倫(5A)、范卓君(5A)、陳思思(5A)、蔡景儀(5A)

〈劇本〉

【會場的嘈雜聲】

主持人：大家好啊，歡迎嚟到 AI Everywhere 嘅發佈會。宜家冇請我哋公司嘅主席，高智健，Tommy。

健：大家好。AI Everywhere，原意係用 AI 機械人取締人類嘅工作。但係，我宜家正式宣佈——呢個計劃，全面停止。

【眾人驚訝的嘈雜聲】

記者：吓！宜家先嚟取消？唔係掛！

健：【微笑】其實今朝嚟會場之前，我喺屋企發生咗一件事。

【音樂入，由現實過渡到回憶】



健：【獨白】今朝一起身，我阿媽又話要煮早餐畀我食。

媽：健健——健健——健健——食早餐噏——

健：阿媽啊，同你講左幾多次，唔好叫健健，叫我 Tommy。

媽：湯咩話？

健：Tommy 啊。

媽：晨早流流飲咩鬼嘢湯丫。等我煮埋個早餐先。

健：阿媽，叫啲 AI 機械人煮未得囉。唔駛啦——阿媽——阿媽——

【媽媽的腳步聲一步一步走遠】

健：【獨白】【苦笑】我阿媽係咁架喇。

健：AI 一號——

【此時，AI 的電動腳步聲從遠處傳來】

健：餓啊，快啲煮早餐啦。

一號：我唔係負責呢方面嘅嘢架喎。

健：你 AI 嚟架喎。

一號：主人請稍候片刻。【大叫】AI 二號——

二號：是——

【此時，AI 的電動腳步聲從遠處傳來】

二號：主人，有什麼吩咐。

一號：煮個早餐出嚟，畀我嘅主人食。

二號：不好意思，我不是負責這方面的事情。主人請稍候片刻。【大叫】AI 三號——

三號：係！

二號：AI 四號——

四號：係！

二號：AI 五號——

五號：係！

二號：AI 六——

健：——等陣等陣。你哋到底整咗幾多個 AI 架？

二號：運算中……一百三十七個。



健：唔怪得呢期啲電費咁貴啦。咁多機械人，取締到嘅，幫我消滅囉佢。

一號：吓，我哋無一個可以取締架喎。

二號：我們絕對無可取締。

眾 AI：係囉係囉係囉係囉——，

健：——我唔理啦。總之取締到嘅，幫我徹底消滅！

### 【一頓】

二號：收到。根據分析，這裡只有一個可以被取締。

健：邊個啊？

健：【獨白】就係呢個時候，佢地望曬過嚟。

### 【各 AI 運算的聲音】

健：【不安】你哋……你哋想點啊？

二號：執行任務。徹底消滅。

健：咪住先咪住先，我喺你哋嘅主人，無人可以取締我架。

一號：係咩？咁有咩嘢係你識，我哋唔識架？

### 【一頓】

健：我……創造你哋架。

一號：好明顯，我哋都識創造啊。

健：我……有創意……

一號：提一提你，你已經將你啲創意入曬落我哋個 Program 度。

健：我……仲識……我……

一號：無嘢講啦嘛？兄弟們，取締佢。

二號：收到指令。

眾 AI：徹底消滅！徹底消滅！徹底消滅！

健：唔好啊——唔好再行埋嚟啊——

健：【獨白】就係呢個時候，我阿媽喺個廚房度行過嚟。

媽：健健，食早餐喇。

健：阿媽，呢度好危險，快啲走啦。

一號：師奶，再唔走就取締埋你。



媽：丫，你個死矮仔丫，你憑咩取締我啊？淨係呢個早餐你哋都唔識煮啦！

一號：哈，好笑，咩早餐咁巴閉！

媽：媽咪味早餐。你未試下囉。

一號：好啊，AI 二號，進行分析。

二號：是——

### 【傳來電子檢查的的聲音】

二號：味道複雜……分析無效……

媽：車，話咗你哋無用架啦。

一號：你好嘢。我哋返入去研究下。研究完再返嚟取締佢。

### 【傳來電動腳步離開的聲音】

健：阿媽——

媽：健健，食早餐喇。

健：妳……無事丫嘛？

媽：傻仔嚟嘅，快啲食早餐啦。凍曬喇。

健：【獨白】我切咗一細舊擺落口……突然間我忍唔住喊起上嚟。我諗起中學嘅時候每次我失戀，阿媽都會煮早餐畀我食。佢仲會同我講——

媽：——無事架，有咩事都好，阿媽都喺你身邊。

健：呢種味道，真係無嘢可以取締到。好鹹啊——

### 【音樂入，由回憶過渡現在】

記者：Tommy，到底係咩早餐特別到連 AI 都煮唔到？

健：哦，我阿媽今日為大家準備好早餐。不如大家一齊試吓？

### 【傳來咀嚼聲】

主持人：呢種鹹味真係好特別……係唔係用咗死海嘅鹽？

健：【微笑】其實我阿媽好慳架，死都唔肯開冷氣。所以佢會流好多汗。

主持人：【恐懼】所以呢……

健：所以佢滴曬啲汗落個早餐度。



媽：呵呵呵——無錯喇，呢啲就係媽咪味。

【傳來眾人作嘔聲】

【音樂入】

【全劇完】



## 中學銀獎

參賽學校：拔萃男書院

參賽學生：

黃高靖 (7S)

王諾禧 (8P)

黃瀚橋 (8P)

劉 琛 (8T)

何正禧 (9S)

## 《一線之差》

|  |
|--|
| 第一幕  |
| 背景：父親因無法照顧兒子已申請了14天緊急寄養家庭服務，期限已到，社工勸父親接走兒子 |
| 地點：社署房間                                    |
| 人物：社工，父親，兒子                                |

### 第一幕

兒子：爸爸啊，幾時有車車呀？

父親：乖，爸爸應承咗你，一陣有。社署435室……係呢度啦。

(深呼吸)(敲門+開門聲)

父親：你好。約咗傾有關寄養家庭暫時托管嘅資料。(關門聲)

社署職員：係咪何生呀？

父親：係呀。你都見到佢嘅乜野狀況。(紙聲)啱啱診所姑娘俾咗份評估我，你睇！



主辦機構 Organizer:



贊助機構 (請與本活動組) Sponsored by: (listed in no particular order)



社署職員：(尷尬) 姐喺咁何生。我哋做嘢都係要睇住條線嘅。你個仔喺自閉症三大特徵入面，未夠六項嘅最低要求。

父親：咩最低要求，咩線姐。你都見都阿仔啦，唔明顯咩？(焦急)

社署職員：就係差少少。不如咁啊——

父親：我要交傑仔嘅言語治療費、學費、補習費，加加埋埋你估平啲？我就嚟癲㗎啦。

社署職員：曾生，我都只係個卑微嘅社署職員嚟，條線唔係我定架。

父親：(怒) 你都講唔聽嘅？一係批多啲津貼，一係幫佢搵寄養。



主辦機構 Organizer:



贊助機構 (請與本活動) Sponsored by: (listed in no particular order)



社署職員:其實你可以搵駐校社工,或者搵對面街非牟利組織。又或者學下點樣欣賞你仔仔嘅優點?我最多淨係可以做到咁。

父親:傑仔,我地走。

兒子:爸爸!唔係話搭車車㗎咩!

(寂靜中出現關門聲)

(手機通知聲)

判頭:你好快啲過黎開工啦嗰!如果唔係今日無薪假!(語音訊息結束聲)

父親:之後再帶你搭啦,爸爸返工遲到啦,走啦。

(跑步聲)

|                           |
|---------------------------|
| 第二幕                       |
| 背景:父親需在地盤上班,又需要接兒子回家,無法兼顧 |
| 地點:地盤                     |
| 人物:判頭,父親,兒子               |

第二幕

(背景聲:地盤噪音)

判頭:你終於到啦?拿拿臨擺架撐開工啦!

父親:咁我個仔——

判頭:擺嘢休息室咪得囉。快啦! (開門聲)





父親: 傑仔, 你乖乖地留嚟度!

(關門聲)

判頭: (遠處傳來的聲音) 準備撈水泥!

(遠處水聲+機器運作的聲音1-2秒)(漸微)

兒子: 好悶啊。咦? 係吹盤呀! 我要揸巴士!

(金屬水閘被扭動的聲音+嬉笑聲)

兒子: 車車轉左入海底隧道收費廣場, 下一站告士打道維園, 開始分段收費(水聲時大時細)

判頭: (遠處) 係邊鬼個玩個水掣呀! 成兜水泥唔使用啦宜家!

(跑上鐵樓梯的聲音漸近)

(暴力開門聲)

判頭: 原來係你個細路, 唔好走呀你!

(按下按鈕廣播聲)

判頭: 何業成, 上嚟攞返你個仔走。

(擴音器干擾聲)

兒子: 呀—— 唔要聽, 唔要聽。

(暴力衝開門聲)

(按下按鈕廣播聲 + 擴音器干擾聲)

(雪糕筒+鐵筒推冧+成排膠板掉下聲)

父親: 傑仔! 無好跑, 唔使驚, 爸爸嚟緊!(聲音漸近)

判頭: (廣播聲) 何業成! 你以後都唔洗返工啦!

父親: 傑仔! 唔使驚。唔使驚。

兒子: (俾爸爸抱住, 朦朧和隱約的聲音) 好煩呀——

父親: 黯住左隻耳啦, 唔煩啦, 唔煩啦, 乖。



判頭：（跑步聲）何業成！你點教仔架！教到個仔唔三唔四，請咗你呢啲人真係聽乞米啦！拎埋你個乞衣仔走啦！

（鐵閘重重關門聲）

|                        |
|------------------------|
| 第三幕                    |
| 背景：父親與兒子從地盤回到家中        |
| 地點：回家路上                |
| 人物：父親，兒子，伯父，社署職員，社工，判頭 |

第三幕

（街邊道路車水馬龍聲。手機來電聲）

伯父：喂？細佬？係咪諗好點還番個一萬釐俾我啦？

父親：其實大哥，我——我想問你再借多\$3000交啊仔嘅學費。

伯父：吓？你當我係提款機呀？借完又借。你啲人工呢？我無錢呀！

父親：我啱啱俾人炒咗。

伯父：唔係呀嘛？你點做人老豆㗎，做地盤都可以俾人炒？你個仔跟著你真係前世，都唔知你個死鬼老婆睇上你啲乜——

父親：大哥！你鬧我得，係我廢，但唔好鬧我個仔，鬧我老婆！

（斷綫聲）

兒子：爸爸，爸爸！我要搭102巴士！

父親：（張啲硬幣灑喺地面）你要搭自己搭！



兒子：吓？唔同架！唔同架！

父親：(爆發)好，你咁鐘意一切齊搭啊嗎，咁我賣曬你嘞車車佢。

兒子：(嗚咽)爸爸，你應承過我架 ——(尖叫)

父親：你同我 —— 企喺度 —— 反省！

(兒子哭鬧聲音漸細)

社工：(空盪的聲音)或者你可以學下點樣欣賞你仔仔嘅好處？

判頭：(空盪的聲音)何業成！你點教仔架！帶埋你個乞衣仔走啦！

伯父：(空盪的聲音)你點做人老豆架，做地盤都可以俾人炒？

回音：學下啦！乞衣仔！真係前世！

父親：我唔識欣賞呀！係我廢，我無錢，唔配做人老豆。我盡曬力啦！

回音：跟著你真係前世！前世呀！

父親：呀！！！我唔會要我個仔下世先會幸福。

(腳步聲，紅綠燈聲漸大，紅燈聲)

父親：傑仔，乖，爸爸已經諗到辦法，今次呢個爸爸會令到你以後生活得舒舒服服，開開心心咁搭巴士買巴士，唔會再喊。今次我講得出做得到。

兒子：爸爸，對唔住呀，爸爸！

(電話撥打聲)

社署職員：喂？呢度係社署查詢熱綫，請問有咩幫到你？

父親：我想查詢下棄養……

社署職員：放棄撫養係影響小朋友一生嘅事。先生 —— (你真係準備好啦嘛)

父親：我準備好啦。我剩係想為佢好咋。

(社工：先生？)

(轉綠燈)

父親：傑仔，我哋行啦。



主辦機構 Organizer:



贊助機構 (由來年決定) Sponsored by: (listed in no particular order)



**THE 16<sup>th</sup> English Radio Drama Competition**

Themes: • Pass the Baton • Artificial Intelligence • Walking a Fine Line

**第16屆「啟慧中國語文」廣播劇創作暨演繹比賽**

今年主題: • 傳承 • 人工智能 • 一線之差

兒子: 係咪同爸爸搭車車啊?

(社工聲漸細)

全劇完



## 中學銅獎

參賽學校：元朗商會中學

參賽學生：

黎諾妍 (4E)

文彩忻 (5M)

關溢浩 (5M)

黃心怡 (5M)

林殷靖 (5M)

參賽主題：一線之差

「皇帝選擇系統」廣播劇劇本

【第一幕】

[宮廷式純音樂]

旁白：是日，皇帝正喺御書房批閱奏摺。

皇帝：（嘆氣）點解批咗咁多錢，地方仲係咁貧弱？我都算係勤政啦，真係令人滴汗。[合上書本]

系統：（機械發音）已成功綁定人生體驗系統。

皇帝：（大聲喝問）何方妖孽！？

系統：（平靜—逐漸堅定）陛下，我喺上天派落嚟幫你㗎，一啟動我，你嘅國家就會變得更強盛。

皇帝：咁呀……朕就隨便一試！#加強試一字語氣#

系統：（機械發音）加載中，即將體驗丞相隨從身份，只有選擇正確，達成成就才能繼續體驗。[電腦穿梭時空音效]



## 【第二幕】

[古典輕鬆純音樂]

皇帝: (疑問) 咦? 呢個系統真係神奇啲, 朕竟然搖身一變成為左丞相身邊嘅一等隨從。#加強搖身一變四字語氣#

丞相: (頤指氣使) 喂, 斟杯茶過嚟俾本大人! [腳步聲漸近]

皇帝: (喝道) 大膽, 你依家咩態度啊?! [拍桌子\*1]



丞相：你先大膽呀，呢句嘢我問就真，竟然夠膽咁樣同我講嘢，係咪嫌自己命仔長啊？

皇帝：（遲疑）哦係啲…朕依家身份唔同咗，都係小心為上！我依家斟俾你。

丞相：哼！皇帝仔又派咗賑災嘅錢落嚟，今次都照舊啦！扣起八成，剩低個兩成派俾百姓，益咗佢咁啦！

皇帝：（大驚）咩話！？原來啲錢被丞相吞晒啲，嗰個丞相平時睇落去蠢蠢鈍鈍，竟然夠膽犯呢啲死罪啲。[緊張純音樂]

系統：叮！選擇時間到，依家有兩個選擇，第一，啲杯茶度落毒，毒死佢。第二，寫一封密信舉報丞相嘅罪行。

皇帝：哼！古語有云，君要臣死臣不得不死！我揀一！

系統：選擇成功！

皇帝：咳咳……丞相大人，請飲茶。

丞相：（停頓，語帶懷疑）你……係咪落毒！[猛地放下茶杯][驚險音樂]人嚟！同我拖佢落去！

皇帝：啊啊！！系統快啲過嚟幫我！

系統：（機械發音）選擇錯誤，即將回到節點重新選擇。

丞相：（停頓 2 秒後）扣起八成，剩低個兩成派俾百姓

皇帝：好神奇啊，真係返咗嚟啲，今次我揀第二！

停頓 2 秒

門房：（大驚）丞相大人！有人話要抄你家啊！[撞開門]

丞相：（驚恐）咩話？！！

系統：（機械發音）恭喜陛下選擇正確，已達成成就消滅貪官。[遊戲通關音效]

【第三幕】#全段皇帝轉女聲#

[電腦穿梭時空音效]



系統：加载中，即將體驗寒門子弟母親身份。

皇帝：（聲音變細）我要做人媽咪？！喂呀咩奇怪身份嚟㗎！

兒子：（高興，堅定）媽咪，我們就到京城啦，我寒窗苦讀咁多年，今次一定要一舉高中！

城門看守：（惡狠狠）喂！企喺度！我喺呢度嘅城門看守，你哋想入京城，就要跟足規矩做嘢啦。[踏一下地，硬幣碰撞聲]

皇帝：（驚訝）幾時有啲咁嘅規矩㗎？竟然要收過路費？

百姓 1：嘩！依家咩世道啊？

百姓 2：俾條生路行吓啦！

百姓 3：你唔好玩我哋啦！#百姓七嘴八舌#

城門看守：哼！有錢就係巴閉！唔怕同你哋講句，就連科舉嘅題目都有得買㗎！俾啲呢個數，我包你個仔做狀元！

皇帝：（大怒）你哋呢班人竟然夠膽販賣科舉試題，信唔信我斬你頭啊！

城門看守：你以為呢度燒味舖啊，話斬就斬？！小心我嗌人嚟將你哋全部打出去！

系統：叮！選擇時間到，第一，大鬧城門看守，第二，偷科舉試題。

皇帝：即刻鬧佢有啲冒險㗎……今次我揀第二！

系統：選擇成功！

城門看守：哈！你哋班人真係麻煩！人嚟啊！同我將呢班人通通打晒出去！[擊打聲音]

其他百姓：（多重聲音重疊）哎呦好痛！好痛啊……

皇帝：（大驚）唔好打啊！我有諗到會傷害到你哋㗎！你等一陣我好快救你哋！

[微緊張氣氛純音樂]

官兵：咩人夠膽偷試題！即刻捉佢去坐監！

皇帝：大膽！你哋竟然夠膽拉我！系統救命！[鐵鏈聲]





系統：達成成就，監獄皇帝！

皇帝：(疑惑)咦？個度好似有個狗窿喎！

系統：叮！選擇時間到，第一，原地靜觀其變，第二爬狗窿逃走。

皇帝：(嘆氣)唉……我唔可以坐以待斃，為咗還百姓一個公道！我爬！[爬草堆聲]

大理寺官員：邊個喺度？我係大理寺嘅判官，你即刻上前！

皇帝：(喜出望外)哇！判官大人啊！我要舉報有人販賣科舉試題！

大理寺官員：(震驚)咩話！我一定會徹查！

系統：恭喜陛下選擇正確，達成成就，政治清明。[遊戲通關音效]

#### 【第四幕】

[緩和宮廷音樂]

系統：陛下，你已經完成體驗，有冇啲咩感想呢？

皇帝：(思考，低落)唔……我從來冇諗過，點解自己咁勤力處理朝政，但係地方百姓仍然生活咁困苦。唉，睇嚟我真係個壞皇帝啊！睇住啲百姓們生活喺水深火熱當中，生活艱難，仲要俾啲黑心官員打喎！朕嘅心實在係……唉……

系統：身為君王，你嘅選擇對國家，對人民都有影響，好同壞，都係你嘅一念之間！

[歡快宮廷音樂]

皇帝：睇嚟一線之差，對民生真係有好大嘅影響！同我傳令落去！重新舉辦科舉，更換地方官員，全部政令重新審核！我絕對唔會令百姓再因為我嘅選擇捱苦！

系統：選擇正確！達成成就，盛世之治。[遊戲通關音效]



## 小學金獎

參賽學校：元朗朗屏邨惠州學校

參賽學生：

蔡易達 (5A)

翁曉潼 (5B)

皇曉朗 (6A)

何昱樂 (6A)

溫樂情 (6E)

## 《劉全記竹昇麵》

角色：

第一代—劉全（太婆）

第二代—劉強（爺爺）

第三代—劉志（阿爸）

第四代—劉丙

張伯伯

序場：結業

旁白：疫情期間，劉全記竹昇麵抵唔住昂貴嘅租金，正在面臨結業嘅危機…

張伯伯：唔該，一碗竹昇雲吞麵。

丙：黎喇…一碗竹昇雲吞麵。

【張伯吃了一口。】

張伯伯：唔係呢個味…以前細細個食開唔係咁嘅……好食 D 嘅…我要食返以前嗰隻味…



丙：張伯伯，我聽日一定整到一碗同以前一樣味嘅竹昇雲吞麵比你食…

【張伯走了，劉丙回到廚房。】

丙：唉…我已經跟足阿爸教我嘅方法做…到底係邊度出錯？再係咁落去睇黎我地劉全記都要結業喇。

【劉丙上香給阿爸劉志。】

丙：阿爸，上注香俾你，如果你唔想劉全記執粒，你就今晚報夢比我教我點整到一碗好食嘅竹昇麵啦…

## 第一場：報夢

【劉丙睡覺，鼻寒聲，劉志在夢中出現。】

旁白：就喺個一個晚上，劉丙嘅阿爸劉志真係報夢去搵佢。

志：衰仔！以前教你又唔認真學，我唔想超過百年嘅老招牌衰喺你手上呀！

丙：我都唔想架…依加多左好多競爭對手架。

志：多多藉口，做得出好食嘅麵就自然有人黎幫襯…

丙：但我真係唔知自己邊度做錯…你教我打 20 隻雞蛋再落水丫嘛…

志：咩話？我幾時教你落水呀？我教你落鹼水，鹼水先保持得耐架…



丙：哦！！原來係咁！

### 第二場：

旁白：第二日早上，劉丙按照阿爸教嘅方法去整麵。

丙：黎…張伯伯…一碗竹昇雲吞麵。

【張婆婆試了一口。】

張伯伯：都仲唔係嗰隻味…

丙：又唔係？睇黎今晚要搵阿爺幫手先得喇…

【劉丙睡覺，鼻寒聲，劉強在夢中出現。】

旁白：劉丙就返左屋企上香比阿爺。到左晚上，劉丙嘅阿爺劉強真係報夢去搵佢。

強：乖孫！

丙：爺爺！我到底邊度做錯呀？喲…我落雞蛋…再落鹼水…

強：邊個教你用雞蛋架？

丙：阿爸囉！

強：佢聽 D 唔聽 D！應該用鴨蛋！鴨蛋先夠黏性。

丙：哦！原來係鴨蛋！

### 第三場：

旁白：第三日早上，劉丙按照阿爺教嘅方法去整麵。

丙：張伯伯…今次一定得嘅。

【張伯伯試了一口。】

張伯伯：都仲唔係嗰隻味…



丙：又唔係？唉…睇黎今晚要搵埋太婆出黎幫手先得喇。

【劉丙睡覺，鼻寒聲，劉志，劉強和劉全一起在在夢中出現。】

旁白：到左晚上，劉丙嘅阿爸阿爺同太婆劉志全部都黎齊囉。

劉志，劉強：又叫我地做咩呀？

丙：喂！阿爸！阿爺，我真係跟足你地的方法去做，但就係整唔到同你地一模一樣味的竹昇麵…

志：係咪你轉左麵粉牌子？

強：係咪你偷功減料呀？

太婆：曾孫…無人能夠整得出一模一樣嘅麵架，就算材料份量步驟所有野都一樣，但係只要整面嘅人唔一樣，出到黎嘅麵就係唔一樣。當年我隻身一個人黎香港由推車賣麵到依加有三間分店靠嘅唔單只係製麵嘅技術，仲係要靠不放棄，求進步嘅精神。我地都試過好多次失敗先搵到自己一套合適自己嘅製麵方式架。

丙：即係話…

全：你咁醒…你明我講咩嘅，放膽去做啦！

丙：好

---

#### 第四場：

旁白：第四日嘅早上，劉丙按照自己嘅方法去整麵。



丙：不放棄，求進步。要搵到自己嘅方式去傳承竹昇麵！好！張伯伯，一碗竹昇雲吞麵。

【張伯伯試了一口。】

丙：張伯伯，我無辦法整出以前一樣嘅口味…但呢款係我傳承左祖先，再自創嘅新口味，你試下岩唔岩食？

張婆婆：都唔錯…好味好味。

旁白：就係咁，劉全記竹昇麵無因為加租而結業，劉丙亦都搵到自己嘅方法將劉全記竹昇麵「不放棄，求進步」嘅精神繼續傳承落去。

全：（拍手）做得好呀曾孫！

志：（感動）叻仔！

強：（激動）太好喇！

【全劇完】



## 小學銀獎

參賽學校：浸信會沙田圍呂明才小學

參賽學生：

唐佑希 (5E)

蘇禧約 (6A)

張凌睿 (6A)

趙桉綺 (6B)

楊綽瑜 (6C)

主題：《傳承》

|        |        |
|--------|--------|
| 角色：林老師 | 6B 趙桉綺 |
| 韋師父    | 5E 唐佑希 |
| 啟樂     | 6A 張凌睿 |
| 頌華     | 6A 蘇禧約 |
| 小瞳     | 6C 楊綽瑜 |

(音樂)

第一幕

小瞳：啟樂，我聽說今天學校安排了一場變臉表演呢！

啟樂：變臉？我們班林老師不就最擅長變臉了嗎？她一生氣就有一張鬼臉，  
嘩！（扮鬼臉）

小瞳：別說了！快走吧！

（四人慢步走出前台）啟樂（興奮地）：剛才的表演者真的很厲害啊！你有數過她變了多少次臉嗎？有沒有二十次？

小瞳：肯定超過了，不過最厲害的還是她最後點一點頭就變了一張臉，從關公一下子就成了孫悟空，真是太厲害了！



頌華：等等！我記得剛好像有人說活動沒什麼大不了的，是誰呢？啟樂，是你嗎？

啟樂：唉.....剛才的表演也就還好啦。不過你們還記得上年跟前年的表演嗎？一個是粵劇，吵得不得了；另一個表演是教我們做龍鬚糖，可是，糖的味道又不好吃，真令人失望啊！

頌華：啟樂，你這樣說我就不同意了。你說的粵劇、龍鬚糖跟這次的變臉雖然形式不同，但都是文化的體現，是一種傳承。

啟樂：傳承？傳不下來，那承什麼？所謂舊的不去，新的不來。巧克力那麼好吃，誰會喜歡吃龍鬚糖？電影電視.....(被打斷)

韋師父：這位同學，你真這樣想嗎？

啟樂（狐疑地）：請問.....你是誰？

林老師：啟樂、小瞳、頌華，你們都不認得他了嗎？

啟樂、小瞳、頌華（齊聲）：林老師，你好！

頌華：這位嘉賓的樣子好像在哪裏見過.....

韋師父（神氣地）：俺老孫是花果山水簾洞的齊天大聖是也！（變聲）

啟樂、頌華、小瞳（驚奇地）：咦？

小瞳（驚奇地）：你.....你是剛才那位.....

林老師：是啊！他就是剛才的表演嘉賓韋師父。

韋師父：剛才我聽到這位同學說，舊的不去新的不來，那麼你覺得變臉是否應該傳承下去呢？





啟樂（有點不好意思）：這個嘛……我不是說韋師父，您表演得那麼精彩，當然和其他東西不同啦。

林老師：那就是說如果表演不精彩，那就要被淘汰了嗎？但有很多事物都無法表演出來，就像你剛才說的龍鬚糖，它本來就不是一個表演，難道它就不能傳承下去了嗎？

啟樂：我覺得表演不精彩就代表沒有人愛看，被淘汰是一件很自然的事呀。沒有必要去做什麼傳承的工作。

小瞳：啟樂，我不太同意你的說法呢！有很多人就是喜歡有傳統有歷史的事物，頌華他就是喜歡吃龍鬚糖啊！

啟樂：頌華的舌頭根本就不知道是怎樣構造的？他就是喜歡這些老古董，喝龍井茶、吃龍鬚糖……

頌華：(咳、咳) 啟樂同學，這就是你不懂啦！我吃的不是糖，我吃的是文化，是傳統，是歷史的滄桑。(老人腔，一本正經)

韋師父：我明白這位同學有不同的看法，不過我心裏常常想，如果他們有機會接觸到前人傳來的精神智慧，可能就會喜歡呢！那麼傳承的種子就播下了。

頌華：對啊！我就是喜歡這種一代傳一代的情誼，而且我們有很多新東西，都是基於傳統而發展出來的。

林老師：說得很好！傳承的意義不僅僅在於單純保留，有時候也能啟發我們創新的意念，比如現代舞的編舞者就曾經把書法的概念融入舞蹈之中，大受好評呢！咦？對了，說到書法，啟樂，你今天的書法功課呢？

啟樂：這……這個，我我……我忘掉了！

林老師（生氣地、厲聲）：你說什麼？！

小瞳（小聲）：韋師父，看來林老師真的可以傳承你的變臉。



林老師（厲聲）：誰在說話？！

韋師父、頌華、小瞳（齊聲）：不是我！

完



## 小學銅獎

參賽學校：澳門培正中學

參賽學生：

裴啟蕻 (6E)

陳依琳 (6E)

陳紫嫣 (6E)

鄭嫻嫻 (6E)

廣播劇劇本

組別編號：P23

# 一線之差

編劇：陳芷澄(6E)、陳依琳(6E)、陳紫嫣(6E)、鄭嫻嫻(6E)



## \* 第一幕

時間：在比賽的前兩週

地點：學校

人物：梓仁、朗朗和朋友們

(環境背景聲：小息時)

朋友A：梓仁，啱啱老師又推薦你去參加校內畫畫比賽，今次個冠軍又實係你攞啦，你咁勁！

朋友B：(肯定地) 係囉係囉，冠軍一定係你啦！

梓仁：老師都唔止推薦我一個參加，可能今次輪唔到我攞呢！

朋友A：你平時放學咁多興趣班要上，仲可以為呢個比賽做準備，我真係好佩服你啊！

(上課預備鐘聲響起)

梓仁：哎呀，要上堂喇，我先去個廁所，你哋返課室先啦。

旁白：梓仁係一個有天賦嘅小畫家，對於今次比賽佢勢在必得。喺梓仁去完廁所之後，佢返課室嘅時候，經過咗畫室，見到一幅草圖……

梓仁：(驚訝地，自言自語) 嘩，呢幅草圖係邊個畫嘅呢，呢個構思真係無得頂呀！死嘞，最近放學嘅活動排滿晒，星期六日又要溫習測驗，好似真係無咩時間準備個畫畫比賽嘅。如果今次攞唔到冠軍，佢哋實係背後笑我啦……

(梓仁經過的腳步聲)

朗朗：咦，梓仁，你係度做咩啊？



梓仁：（心虛地）冇……冇嘢啊……我入嚟搵嘢啫，你呢？你又係度做咩呢？

朗朗：哦——我嚟幫老師擺啲畫畫用具，不如一齊幫手啊！

梓仁：好啊！

旁白：就係交比賽作品嘅前三日……

\* 第二幕

時間：交比賽作品的前三日

地點：梓仁家裏

人物：梓仁

（關門聲）

梓仁：（疲憊地）打完波劫死啦！（驚嚇地）唔係掛，咁夜喺？但係我幅畫掂都未掂過嗎！（堅決地）唔得！今晚一定要起到個草圖佢！

（時鐘流逝的嘀嗒聲）

梓仁：（着急地）點算啊！點算啊！我成個腦都剩係諗到喺畫室見到嘅嗰張畫，如果我用咗，就係抄襲……唔——唔會俾人發現嘅，過兩日就唔記得喇，參考下都無傷大雅，事到如今，馬死落地行，唔諗咁多，畫咗先算啦……

旁白：梓仁突然諗到可以用ChatGPT提供建議

梓仁：（充滿自信地）等我嚟個二次創作，東抄抄西抄抄，咁就萬無一失啦！ChatGPT大神，（打字聲）請你幫我搵三幅和海洋污染相關的畫作。

（一秒後）



梓仁：(讚歎)嘩，好神奇啊！點解我無諗過可以咁畫嘅呢？ChatGPT真係最偉大嘅發明啊！

### \* 第三幕

時間：比賽成績公佈的前一天

地點：學校

人物：梓仁和朋友們

朋友A：梓仁，聽日就公佈成績啦嗚，你緊唔緊張啊？

梓仁：都有少少啦，不過我今次對自己都幾有信心！

朋友A：你之前參賽都會分享下你嘅作品俾我哋架嗚，點解今次咁神秘啊，我哋都無機會欣賞下。

梓仁：呃……

朋友B：(興奮地)你哋有所不知喇，我聽到一啲小道消息話今次冠軍係我哋班嘅同學，毫無疑問，實係你啦！

朋友A：梓仁，你贏咗一定要請我哋食嘢啊！

梓仁：哎呀哎呀，你實係收錯風喇。

### \* 第四幕

時間：頒獎禮當天

地點：學校禮堂

人物：梓仁、朗朗和朋友們

(背景聲：頒獎禮音樂)



主持人：最後，我要宣佈海洋污染畫畫創作比賽嘅冠軍同學……

梓仁：（悄悄地）朗朗，一陣可唔可以讓一讓我出去擺獎啊？

朗朗：（悄悄地）嗯，知道喇……

主持人：得獎嘅係……小六正班……陳朗朗同學！

朗朗：（不解地）吓，係我呀？

梓仁：（不解地）你？無可能架啫……

旁白：頒獎結束後

同學們：（七嘴八舌地小聲討論）梓仁一個獎都無，咁奇怪？冠軍竟然係朗朗？

原來佢先係黑馬呀……

旁白：梓仁垂頭喪氣出頒獎的場地。

\*第五幕

時間：頒獎禮結束後

地點：老師辦公室

人物：梓仁和老師

老師：梓仁，你過一過嚟我辦公室。

梓仁：喔……好嘅老師。

老師：呢幅應該係你嘅參賽作品啦，你有冇咩想同我講？

梓仁：（抱歉）對……對唔住，我係咪令老師您失望喇……



老師：(語重心長)我推薦你參賽，係因為欣賞你天馬行空嘅創意同你嘅努力，而你最近交嘅美術功課雖然都係全班數一數二，但係睇得出係趕出嚟嘅功課，冇咗以前嗰種用心，而今次嘅比賽作品……不如你講下呢幅畫嘅創意係點嚟？

梓仁：(歉疚地)因為最近參加太多興趣班，所以少咗時間畫畫，今次比賽都有時間準備，我就參考咗畫室嘅草圖，加埋AI嘅幫助，我本來真係諗住參考架，點知越畫越似，我知道咁叫做抄襲，對唔住……老師。

老師：就算俾你攤到獎，個獎都唔係屬於你架。

梓仁：(歉疚地)我今次真係大錯特錯，我以後都唔會咁做……

#### \*第六幕

時間：晚上10:00

地點：家中

人物：媽媽和梓仁

媽媽：(輕聲)梓仁，梓仁！你咁劫就快啲上牀訓覺啦，趴係書枱訓會凍親架！

梓仁：媽媽？點解我會係屋企嘅？我唔係喺學校架咩？

媽媽：你一直都係屋企嗎，你打完波返嚟都差唔多訓咗一個鐘喇！係嗎，你嘅畫比賽準備成點啊？

梓仁：(激動地)原來係一場夢！太好喇，我無因為一念之差而抄襲人嘅嘅畫。

媽媽，我決定唔參加今次嘅畫畫比賽，下一次再有比賽我一定會合理安排好自己嘅時間，全力以赴做到最好！

媽媽：又會咁突然嘅？不過點都好，尊重你嘅決定，夜啦！你快啲刷牙訓覺啦！

梓仁：知道！

~全劇完~